

# Forskrift til opplæringslova

---

[Oversikt](#) [Hele forskriften](#) [Første](#) [Forrige](#) [Neste](#)

## Kapittel 18. Kommunen sitt økonomiske ansvar for grunnskoleopplæringa

(Opplæringslova § 13-1 andre ledd)

### § 18-1. Kommunen sitt økonomiske ansvar for elevar som får opplæring utanfor bustadkommunen

- a) For barn som ikkje er særskilt nemnde under punkt b, c og d, og som får grunnskoleopplæring, spesialundervisning og spesialpedagogisk hjelp utanfor kommunen, betaler bustadkommunen etter avtale. Bustadkommunen fastset omfanget av spesialundervisninga og den spesialpedagogiske hjelpa etter sakkunnig tilråding frå vertskommunen. Bustadkommunen er den kommunen der foreldra, eller den av foreldra som har omsorga for barnet, bur.
- b) For barn som er i og under opplæringspliktig alder, og som barnevernstenesta eller fylkesnemnda plasserer utanfor kommunen, i fosterheim eller i institusjonar som ikkje er nemnde under punkt c og d, gjeld dette:
  - Den kommunen som etter lov 17. juli 1992 nr. 100 om barneverntjenester har det økonomiske ansvaret for desse barna, ber også det økonomiske ansvaret for grunnskoleopplæringa, spesialundervisninga og den spesialpedagogiske hjelpa, jf. lov om barneverntjenester § 9-1.
  - Om ikkje anna blir avtalt, skal den kommunen som ber det økonomiske ansvaret, betale for vanleg undervisning det som ein elev i den kommunen der eleven har opphald, kostar i gjennomsnitt. For spesialundervisning og spesialpedagogisk hjelp fastset bustadkommunen omfanget etter ei sakkunnig tilråding frå vertskommunen. Det økonomiske ansvaret følgjer av det fastsette omfanget.
- c) For barn og unge i institusjonar som den statlege regionale barnevernmyndigheita har ansvaret for etter barnevernlova § 5-1, og barn og unge i private og kommunale institusjonar som er godkjende etter barnevernlova § 5-8, gjeld opplæringslova § 13-2.
- d) For pasientar i helseinstitusjonar som eit regionalt helseføretak eig, og for pasientar i private helseinstitusjonar som har avtale med regionale helseføretak, gjeld opplæringslova § 13-3a.
- e) I tvilstilfelle avgjer Fylkesmannen i det fylket der barnet oppheld seg, kven som er ansvarleg for kostnadene.

### § 18-2. Kommunen sitt ansvar for ei ordning med gratis frukt og grønsaker

Kommunen skal kvar skoledag gi alle elevar ved ungdomsskolar og kombinerte skolar gratis frukt og grønsaker.

0 Tilføyd ved forskrift 12 aug 2008 nr. 924 (i kraft 15 aug 2008).

[Første](#) [Forrige](#) [Neste](#)

---

Databasen sist oppdatert 3. sep 2008

Forskriften finnes på Internet:

[http://www.lovdato.no/cgi-wift/wiftldles?doc=/usr/www/lovdato/for/sf/kd/td-20060623-0724-045.html&emne=frukt\\*&&](http://www.lovdato.no/cgi-wift/wiftldles?doc=/usr/www/lovdato/for/sf/kd/td-20060623-0724-045.html&emne=frukt*&&)